



BANDO

MEDIDAS COVID-19 URXENTES E DE ÚLTIMA HORA

DAVID BARBEIRA GARCÍA, ALCALDE DO CONCELLO DE SANTA COMBA INFORMA QUE:

A Consellería de Sanidade publicou onte a tarde-noite unha serie de medidas de prevención específicas como consecuencia da evolución da situación epidemiolóxica derivada do COVID-19 na Comunidade Autónoma de Galicia, que se aplicarán dende as 00:00 horas do día 22 de outubro de 2020 e que son as seguintes:

-Reunións máximo 5 persoas, agás persoas conviventes.

Non se aplica esta limitación a actividades laborais, empresariais, profesionais, administrativas, actividades en centros educativos, universitarios, de formación e ocupación, práctica do deporte federado, respectando protocolos de seguridade e prevención.

-Peche de atraccións de feiras, actividades de festas, verbenas e outros eventos populares.

Limitacións

Velatorios, enterros e lugares de culto: Os velatorios poderán realizarse en todo tipo de instalacións, públicas ou privadas.

Límite máximo: 25 persoas en espazos ao aire libre e dez persoas en espazos pechados.

Límite máximo na comitiva de soterramento ou cremación: Máximo 25 persoas ademais do ministro de culto.

Asistencia a lugares de culto: 50% de ocupación.

Cerimonias nupciais e outras cerimonias relixiosas ou civís: Límite 100 persoas en espazos ao aire libre e 50 persoas en espazos pechados.

Establecementos e locais comerciais minoristas e de actividades de servizos profesionais abertos ao público: 50% de ocupación.

Deberán prestar un servizo de atención preferente ás persoas maiores de 75 anos e indicalo en lugar visible.

Mercados que desenvolven a súa actividade na vía pública: Non poderán superar o 50% dos postos habituais ou autorizados.

Actividades en academias, autoescolas e centros privados de ensino non regrado: 50% de ocupación.

Establecementos de hostalería e restauración: 50% de ocupación en interior (prohibido servizo en barra), 75% de ocupación en terrazas en exterior. A ocupación será de cinco persoas por mesa ou agrupación de mesas.

Horario de peche: 1:00 da madrugada. Non se pode permitir o acceso de ningún cliente dende as 00.00 horas.

Hoteis, aloxamentos turísticos e albergues: 50% de ocupación. As actividades de animación ou clases grupais capacidade máxima de 5 persoas.

Bibliotecas, arquivos, museos, salas de exposición, monumentos e outros equipamentos culturais: 50% de ocupación. Límite máximo: 5 persoas con monitor.

Cines, teatros, auditorios, circos e/ou espazos similares: 50% de ocupación.

Límite máximo de 60 persoas para lugares pechados e de 150 persoas actividades ao aire libre.

Centros de lecer Infantil: 50% da ocupación.

Actividades e instalacións deportivas: 50% de ocupación. A práctica da actividade física e deportiva non federada, ao aire libre, poderá realizarse de forma individual ou colectiva, sen contacto físico, e ata un máximo de 5 persoas de xeito simultáneo sen contar ao monitor.

Celebración de eventos deportivos, de adestramentos e de competicións deportivas con público: Poderán desenvolverse con público, sempre que este sentado e que non supere o 50% de ocupación.

Límite: 60 persoas para lugares pechados e 150 persoas para actividades ao aire libre.

Realización de actividades de tempo libre dirixidas á poboación infantil e xuvenil: 50% da ocupación máxima habitual, cun máximo de 100 participantes, incluídos os monitores. Se son en espazos pechados, límite de 50% de ocupación, cun máximo de 50 participantes, incluídos os monitores. Grupos de 5 persoas incluídos os monitores e sen contacto có resto de grupos.

Uso de espazos públicos: 50% de ocupación. Límite máximo 5 persoas incluído o monitor.

Centros recreativos, turísticos ou similares: 50% de ocupación. Límite de persoas: 5 persoas incluído o monitor.

Parques e zonas deportivas de uso público ao aire libre: Os parques infantís, parques biosaudables, zonas deportivas, pistas skate ou espazos de uso público ao aire libre, poderán estar abertos ao público sempre que neles se respecte unha capacidade máxima dunha persoa por cada catro metros cadrados de espazo, computable de superficie de recinto.

Celebración de congresos, encontros, reunións de negocio, conferencias, eventos e actos similares: 50% de ocupación.

Límite máximo de 60 persoas para lugares pechados e de 150 persoas en actividades ao aire libre.

Limitación de aforo para outros locais ou establecementos comerciais: 50% de ocupación.

Límite: 60 persoas para lugares pechados e 150 persoas para actividades ao aire libre.

Agás os establecementos comerciais de alimentación, bebidas, produtos de primeira necesidade, establecementos farmacéuticos, servizos médicos ou sanitarios, ópticas, produtos ortopédicos, produtos hixiénicos, perruquerías, prensa e papelería, combustible para a automoción, estancos, equipamentos tecnolóxicos e de telecomunicacións, alimentos para animais de compañía, comercio por Internet, telefónico, tinturerías e lavanderías.

As actividades en grupos deberán realizarse cun máximo de 5 persoas incluídos os monitores e garantiranse as medidas necesarias para garantir as distancias de seguridade interpersoais agás persoas conviventes.

No caso das celebracións e eventos en establecementos de restauración para os días 22 a 25 de outubro, que xa estiveran concertados con carácter previo ao 21 de outubro, non serán aplicables as medidas de prevención específicas previstas nesta orde, si ben deberán ser comunicados polos titulares dos establecementos, á Xefatura Territorial da Consellería de Sanidade, para que se poidan adoptar as medidas o efectuar as recomendacións pertinentes.

Recomendacións:

-Persoas maiores de 75 anos, persoas vulnerables ao COVID-19 e as que presenten algún tipo de enfermidade ou dificultade respiratoria que se poidan ver agravadas polo uso da mascarilla ou que presenten algunha alteración que faga inviable a súa utilización; que eviten as saídas en horas de previsible afluencia ou concentración de persoas na vía pública e en espazos ou establecementos abertos ao público.

-Uso obrigatorio de mascarillas en todas as circunstancias. Os titulares dos establecementos, espazos ou locais deberán garantir o cumprimento desta obriga nos mesmos.

Santa Comba, 22 de outubro de 2020

O Alcalde,

Asdo.: David Barbeira García